

# سرائیکی

۱۰۳ پیلھون

## آئی ایم شل تھریت ٹو دیم -اسلم رسول پوری-

فرانسیسی فلم ”لومبا“ براعظم افریقہ دے ہک وسطی جمہوریہ ڈیموکریٹک ریپبلک آف کانگو دے سامراج دشمن قوم پرست اتے حریت پسند رہنما بارے ہے۔ لومبا کول ۳۰ جون ۱۹۶۰ء کول بلجیم کنوں آزادی حاصل کرن دے ڈومینے بعد وزارت عظمی توں کترل مولو تو نے برطرف کر ڈتا اتے ۱۷ جنوری ۱۹۶۱ء کول انتہائی بے دردی تے بے رحمی نال ڈوسا تھیں سمیت فائر سکوڈ دے سامنے کھڑا کر کے قتل کر ڈتا گیا۔

مالکیم ایکس نے لومبا بارے آکھیا با۔ سر زمین افریقہ دے ٹران والا دنیا دا عظیم ترین انسان۔ اتے جی، گویرا ۱۹۶۳ء وچ آکھیا۔ Lumumba's murder should be a lesson for all of us.

پیشین لومبا دی حیاتی اتے جدوجہد اتے ان گنت کتاباں اتے مضمون لکھے گھنیں۔ انٹرنیٹ اتے اونڈے بارے بے شمار ویب سائٹس تے مواد موجود ہے۔ تقریباً آٹھ کنوں زیادہ باقاعدہ فلماں اتے ڈاکومنٹریز بنایاں گھنیں۔ جنھیں وچ ہک (۲۰۰۰) Lumumba ہے۔ ایہہ فلم کالونیل دور دے سامراجی جبر اتے سازشیں کول نشانہ کریندی ہے۔ یورپ دے سامراجی ملکس دے کالونیل دور وچ ایشاء، افریقہ اتے جنوبی امریکہ دے کئی ملک بدترین قسم دے سیاسی، معاشی اتے ثقافتی جبر اتے استحصال دا شکار رہن۔ (اتے بعض جن تائیں دی ہن)

جنوبی ایشاء اتے جنوب مشرقی ایشاء وچ انھیں سامراجی ممالک جتھاں انھیں ملکسں داسیاسی اتے معاشی استحصال کیا۔ اتھاں انھیں دی ثقافت اتے تہذیب دی وی نفی کیتی۔ ایشاء اتے افریقی عوام بارے انھیں دا خیال باجوا ایہہ جاہل، کابل، کم چور، وحشی اتے بے دین ہن۔ ایندے نال اتھوں دے زبانیں کول گھٹایا اتے دگاڑیا گیا۔

اتے اتھوں دے لوکیں تے آہنی تہذیب، ثقافت اتے مذہب کول نافذ کیا گیا۔ افریقہ بارے انھیں سامراجی ملکسں دا نقطہ نظر جوزف کونارڈ (۱۸۵۰-۱۹۳۳ء) دے ہک ناول Heart of Darkness وچ نظر آندے (ایں ناول کول ویسویں صدی دے سو وڈے ناولس وچ شامل کیا ویندے) اوں افریقی عوام نال آپنے ناول وچ ہندوستاں وچ وائیکوٹس دے ناول والا انداز اختیار کیتے۔ جوزف کونارڈ نے اگرچہ چالاک نال جاہل تے ناں تبدیل کر ڈتن۔ لیکن معروف تاریخچین ناولسٹ اتے شاعر پروڈیوسر جنوآ، اکے (۱۶ نومبر ۱۹۳۰) آپنے ہک مشہور لیکچر ۱۹۷۵ء An image of Africa: Racism in Conrad's heart of darkness وچ ایں چالاک توں نشانہ کرکیتے۔ اکے دے مطابق کونارڈ ہک نسل پر

ست ہا۔ اول افریقہ دی زبانیں اتے کلچرز دی اہمیت کوں گھنائے۔ اتے افریقہ کوں ہک جنگل آنکھیں۔  
 جیدے وچ یورپین قسمت آزمائی کریندن۔ اکے دے بقول کونارڈ افریقن دی انسانیت تے وی سوال کھڑا  
 کر ڈتے۔ حالانکہ افریقن آرٹ دنیا دے وڈے وڈے مجسمہ سازیں اتے مصورین تے اثر سبے جیدے وچ  
 پابلو پکا سووی شامل ہے۔ اکے دا خیال ہے جو افریقن بارے ایہہ تصور صرف کونارڈ وانگس بلکہ سارے یورپین  
 دا ہے۔ اوں ایہ سوال وی چاتے جو کیا سمجھا ناول وڈا ناول تھی سکدے جیدے وچ ہک حملے دے ذریعے ہک  
 گروہ دے تشخص کوں مسخ کر ڈتا گیا ہووے۔ افریقہ وچ نو آبادیاتی سامراج کیا کچھ کیتا۔ اوں پورا نقشہ چینو آ  
 اکے دے آپنے مشہور زمانہ ناول "Things fall apart" وچ واضح انداز وچ منکدے۔

ایں ناول وچ ناچیر یا دی ہک وقتی دی کہانی ہے۔ وقتی دا ہک نمائندہ کردار اوکن کوو  
 (Okonkwo) ہے۔ جیہڑا مضبوط اتے سختی انسان ہے۔ او دولت مند، باہمت اتے طاقتور وی ہے۔ اتے  
 مقامی سوسائٹی وچ اعلیٰ مقام رکھدے۔ ہک قتل دے سلسلے وچ اوکوں ست سال واسطے جلا وطن کر ڈتا  
 ویندے۔ اوندی جلا وطنی دے دوران اوندی وقتی وچ گورے اتے عیسائی مشرعی آویندن۔ اتے آپنے مذہب  
 دی تبلیغ شروع کر ڈیندن۔ جوں جوں انھیں دامن مذہب پھیلن شروع تھیندے۔ گورے ودھن ویندے اتے  
 انھیں دا چرچ قائم تھی ویندے تے حکومت دامن مذہب پہنچ ویندے۔ وقتی واسیں کوں مجبور کیتا ویندے جو او  
 گورے دا حکم منن۔

جداں اوکن کوو واپس اندے تاں پوری وقتی تبدیل تھی گئی ہوندی ہے۔ او آپنے روایات تے  
 ثقافت کوں قائم کرن جیدے اتے چرچ کوں تباہ کر ڈیندے۔ اوکن کوو کوں قیدی بنا گھدا ویندے اتے  
 اندے باقی سنگتیں دی ہتک تے بے عزتی کیتی ویندی ہے۔ بعد وچ ایں صورت حال دے خلاف اوکن کوو  
 مقامی لوکیں دی ہک میٹنگ سبھیندے۔ جینکوں گورے ناکام بنا ڈیندن۔ لیکن اوکن کوو انھیں دے ہک  
 قاصد کوں قتل کر ڈیندے۔ انھیں حالات وچ اوکن کوو مایوس تھی ویندے۔ او سمجھدے جو وقتی دے لوک آپنی  
 صورت حال نہیں بدلن چاہندے۔ گورے اوکن کوو کو پکڑن واسطے اندے گھر پہنچ ویندے۔ اتے ڈہن جو  
 اوکن کوو پھانسی کھا گھدی ہے۔

اوکن کوو دی موت ہک کلچر تے روایات دی موت ہے۔ اتے غیر مقامی کلچر دی بالادستی دی  
 علامت وی ہے۔ جیہڑے باہر دا کلچر مقامی کلچر تے زبردستی بالادستی وی کوشش کریندے۔ تاں کشیدگی پیدا  
 تھیندی ہے۔ اتے نتیجہ اوکن کوو دالانکدے۔

ڈوجی وڈی جنگ (۱۹۳۹ء، ۱۹۴۵ء) وچ گورے آپت وچ لڑمڑے اتے کمزور تھی گئے۔ تاں  
 دنیا دے محکوم ملکیں وچ آزادی گھنن دیاں امنگن جا گیاں۔ اینویں جنوب مشرقی ایشیا، جنوبی ایشیا، اتے  
 افریقہ وچ آزادی دے متوالے سامنے آئے اتے انھیں متوالیں وچوں ہک پیڑس لومبا (۱۹۶۱ء-۱۹۶۵ء) دی

ہا۔ پریس لومبا ۲ جولائی کوں بلجیم کا گلو وچ جایا۔ اوں پریس دے بعد آپنی نوکری دا منڈھ ہک ٹیکس کلرک کنوں  
 کیٹا۔ ول او اسٹنٹ پوسٹ ماسٹر بن گیا۔ سیاسی زندگی دا آغاز اوں افریقی شاف ایسوسی ایشن کنوں کیٹا۔ ۱۹  
 اکتوبر ۱۹۵۸ء کوں اوں نیشنل کاگلو یونین بنائی۔ اوندی ہک تحریک دے دوران سامراج مخالف مظاہرین  
 دے نتیجے وچ لومبا کوں جیل وچ بھیج ڈتا گیا۔ اتے جیل وچ اوندے اتے بے پناہ تشدد کیٹا گیا۔ (قلم وچ  
 ایہہ منظر موجود ہے) جیل وچوں آوے دے بعد اسیاسی طور تے ہوں متحرک تھی گیا۔ اتے اوں باقاعدہ سیاسی  
 جماعت (Movement National Congolais) (MNC) بنائی اوکوں ہک دفعہ ول ڈوسال سزا  
 تھی۔ جیہڑی بعد وچ ہک سال وچ تبدیل کر ڈتی گئی۔

مئی ۱۹۶۰ء دے الیکشن وچ لومبا اتے اوندی گروپ مرکز وچ طاقتور گروپ بن گیا۔ لومبا کاگلو دی  
 مکمل آزادی دا مطالبہ کریندا کھڑا ہا۔ جڈاں جو بلجیم آزادی ڈیون کوں تیار نہ ہا۔ بلجیم اتے اوندے ایجنٹس  
 وغیرہ سامراجی کنڈہ نظر رکھدے ہن۔ انھیں دا خیال ہا۔ جو لومبا دی پارٹی پورے کاگلو دی نمائندہ کئے نہیں۔ اتے  
 کاگلو دے لوک کوئی ہک قومیت کئے نہیں بلکہ اتھاں بیاں وی ہوں ساریاں پارٹیاں ہن۔ اتے کاگلو دے لوک  
 قومیت دی بجائے Bunch of tribes ہن۔ لیکن لومبا آپنے موقف تے سختی نال قائم رہیا۔ آخر ۳۰ جون  
 ۱۹۶۰ء کوں آزادی مل گئی۔ کسایو بوسدر اتے پریس لومبا وزیر اعظم بن گئے۔ جیڈے تھ بعد کاگلو دی مقامی  
 پولیس پلیٹفون افسر دے خلاف بغاوت کر ڈتی۔ اتے بلجیم آپنے شہر دے حفاظت دے بہانے آپنی فوج  
 انہاں دا انخلا محفوظ تے یقینی بناون واسطے بھیج ڈتی۔ بلجیم دے اکساو تے تھوہلے (۱۹۶۹ء) صوبہ کٹانگادی  
 علیحدگی دا اعلان کر ڈتا۔ ملک وچ خانہ جنگی دی صورت حال پیدا تھی گئی۔ ایس مسئلے تے صدر اتے وزیر اعظم  
 دے درمیان اختلاف پیدا تھی گئے۔ صدر وزیر اعظم کوں اتے وزیر اعظم صدر کوں برطرف کر ڈتا۔ لیکن  
 پارلیمنٹ وزیر اعظم تے اعتماد دا اظہار کیٹا۔

امریکی سفارت خانے دے نائب سیکرٹری فوج دے سربراہ کرنل موبوتو نال ملاقات کرتے  
 لومبا دی حکومت دا تختہ الٹن دا مشورہ ڈتا اتے امریکی صدر آئزن ہارور دی ضمانت ڈتی (ایہہ منظر قلم وچ موجود  
 ہے) اتے ۱۳ ستمبر ۱۹۶۰ء کوں کرنل موبوتو نے لومبا دی حکومت دا خاتمہ کر ڈتا۔ اتے اوکوں گھر وچ نظر بند کر  
 ڈتا گیا۔ لومبا آپنے دوستیں دے مشورے اتے انھیں دے نال مصر وچن دی کوشش کیتی۔ او دریاوی پار کر گئے  
 ہن۔ لیکن فوج اوندے پالیس تے زال کوں اوں دریا پار موقع تے گرفتار کر گھدا۔ لومبا آپنے پالیس نال محبت  
 تے وفاداری کوں مد نظر رکھ تے واپس آون دا فیصلہ کیٹا۔ جیہڑی اوندیاں ساتھیاں مخالفت کیتی۔ مگر او آپنے  
 سنگتیں نال واپس ول آیا۔ اتے دریا پار کرن نال فوجیں اوکوں پکڑ گھدا۔ جنگی مار گھائی کیتی۔ اتے ول ڈھک  
 ڈتا۔ بلجیم دی حکومت دی طرفوں لومبا کوں ختم کرن دا باقاعدہ تحریری حکم نامہ ملیا۔ اتے ایہہ طے کیٹا گیا۔ جو  
 اوکوں اوندے جانی دشمن کٹانگا دے لیڈر تھومبے (Tshombe) دے حوالے کیٹا وئی۔ اتے ۱۷ جنوری

۱۹۶۱ء کو ڈوسا تھیں سمیت کٹناٹا گیا۔ اوندیں انھیں، کنیں تے ٹیپ لاڈ تا گیا۔ اتے اوندے منہ وچ گند ٹھوک تے بند کر ڈتا گیا۔ ول کٹناٹا صوبے وچ اوندے اتے اوندیں سنگتیں اتے بے حاشہ تشدد کرتے انھیں دا حلیہ وی وگاڑ ڈتا۔ انھیں دیاں پڑیاں، پھینچڑے اتے جگر تباہ تھی گئے۔ ہک ڈاکٹر کوں ڈکھالیا گیا تاں اوں آکھیا صرف چند گھنٹے دا معاملہ ہے۔ ایندے بعد لومبا اتے اوندیں ڈوسا تھیں مورلیس موبوٹو (Mauric Mopolo) اتے جوزف اوکیٹو (Joseph Okito) کوں جنگل وچ ہک درخت نال کھڑا تے رات دے نو وچ کر چالھی منٹ توں تر تالی منٹ دے اندر ترے فائر سکوڈ دے ذریعے بے دردی نال ہلاک کر ڈتا گیا۔ ایں موقع تے شوہے اتے اوندے ڈو وزیراں نال چارلیجمن آفیسروی موجود بن۔ لومبا اتے اوندیں سنگتیں کوں سی، آئی، اے دے ہک ایجنٹ دے ذریعے نامعلوم مقام تے دفن کر ڈتا گیا۔ ۱۸ جنوری کوں ایہہ افواہ عام تھی گئی۔ جو ترے قبر اں ڈٹھیاں گئیں۔ اتے لومبا کوں ہلاک کر ڈتا گئے۔ ایں خبر دے عام تھیون نال دفن کرن والی ٹیم تے ہک خون سوار تھی گیا۔ اتے ول لاشاں کڈھ تے رہوڈیشا (زمبابوے) دی سرحد نال ونج دفن کیتا گیا۔ مگر اوندے باوجود لومبا دا خون ٹیم تے حکومت تے سوار ہا۔ اتے انھیں لاشیں کوں ولا کڈھیا گیا۔ بلجیم دے کسٹنر Gernard Soete ہک ٹی وی پروگرام وچ تسلیم کیتا۔ جو اوں تے اوندے بھر لاشیں کوں ڈودھ دفن کیتا۔ لومبا دا ایہہ قول قاتلیں دے دماغ وچ پھردا کھڑا۔

Even dead, I am still threat to them.

نال انھیں دے ٹوٹے کیے گئے۔ [شاید ایہہ وڈے زور دا کم ہا۔ ٹوٹے کرن والے فلم وچ پگھرو پانی نظر دن]۔ ٹوٹے کرن دے بعد انھیں ٹوٹیں کوں سلیفورک ایسڈ نال بھریں ڈرم وچ سٹ ڈتا گیا۔ تاکہ تحلیل تھی وئجن۔ ایندے بعد اوکوں بھلا ڈتی گئی۔ اتے انھیں دے کپڑے وی ڈرم وچ سٹ ڈتے گئے۔ فلم وچ بھا دے ایہہ اچے اچے کتبے اسمان نال گالھیں کریندے نظر دن۔ لومبا آکھیا ہامیڈے قتل کرن نال تاریخ انھیں دے ہتھوں تلک وئیسی۔ اتے بعد وچ کاگو بے امن تھی گیا۔ تے شوہے، کا سا یو تے کرل موبو تو جلا وطنی دی موت مرے۔

دنیا بھری لعنت اتے عوامی دباؤ تے آخر اوندے ہک قاتل صدر موبو تو کوں لومبا کوں ملک دا ہیرو اتے بانی قرار ڈیونا پیا۔ بعد وچ اوندی ہک قابل دید میموریل تیار تھئی۔ جیندے کمرے وچ لومبا دا مجسمہ نصیب کیتا گیا۔ ایندے علاوہ دارالحکومت کنشاسا وچ ہک سڑک دے چبوترے اتے اوندی مجسمہ عوام کوں ہتھ کھڑا کرتے سلام کریندا کھڑے۔ کاگو دی ہک ٹرڈی پھری پیئٹرز دی ٹیم لومبا دیاں پیئٹنگز بنایاں۔ جیہڑیاں آج افریقن، اربن آرٹ وچ خصوصی حیثیت رکھدن۔ اچ کاگو وچ کوئی سیاسی پارٹی اونداناں گھدے بغیر الیکشن نہیں کھٹ سگدی۔ لوک اوندی پیئٹنگز کوں آپنے گھرں لاتے اتے آپنے ہالیں داناں لومبا رکھ تے خوشی محسوس کریندن۔

لومبادے قتل دے پچھوں سامراجی مالک دی کھ وڈی سازش بنی۔ جنیں آپنے ایجنٹس کرنل / صدر موبوتو اتے شوہے نال رل تے تیار کیتی۔ ایہ سامراجی مالک لومبادی کاگو دے اتحاد اتے افریقن نیشنل ازم کنوں خوفزدہ بن۔ انھیں کول ڈرہا جو ایہہ سامراج دشمنانہ رویہ سارے افریقہ وچ نہ پھیل ونجے۔ بلجیم اتے امریکہ ڈوہیں رل تے لومبادی کوں ختم کرن دا فیصلہ کیتا۔ سی، آئی، اے دے ذریعے امریکہ دے نائب سیکریٹری فرانک کارلوی ایہہ کم سرانجام ڈتا۔ ایندے واسطے بلجیم تے امریکہ رقم فراہم کیتی۔ اتے امریکی صدر آئزن ہاور زہر فراہم کیتی۔ جو ایہہ لومبادے نو تھ پیسٹ وچ رکھی ونجے۔ لیکن بعد وچ ایہہ فیصلہ ترک کر ڈتا گیا اتے اوکوں فارسکو اوڈے ہتھوں ماریا گیا۔

لومباد قتل اتے کاگوں دے حالات ایہہ ظاہر کریندن۔ جو ملکیں کول آزادی ڈیون دے بعد ایہو سامراجی ملک نو آزادی ملکیں دے وچ انتشار پایا۔ تے آپنے ایجنٹس دے ذریعے خفیہ طور تے حالات خراب کریندن۔ مشاہدات واسطے فرانزینس (۱۹۶۱-۱۹۶۵) لومبادا ہم عصر) آکھیا۔ جو بعض ملکیں دے حالات آزادی کنوں بعد زیادہ خراب تھی گھین۔

فلم لومبادا (A true story) فرانسیسی زبان وچ بنائی گئی ہے۔ کاگو وچ حالات خراب ہون دی وجہ کنوں ایہہ فلم زما بوے اتے موزمبیق وچ تیار کیتی گئی۔ ول ۱۴، مئی ۲۰۰۰، کول ریلیز تھئی۔

ایں فلم دا ڈائریکٹر Raoul Peck ہے۔ اتے ایندے پروڈیوسرز Jacques Bidon اتے Raoul Peck بن۔ ایں فلم دی کہانی Pan Edelstein, Pascal Bonitzen تے Peck رل تے لکھی ہے۔ ایندے میوزک Coude Rohit ترتیب ڈتا ہے۔ ایندی تیاری وچ فرانس، جرمنی، بلجیم اتے ہٹی حصہ لایا۔ (اتھاں یاد رہے جو ۲۰۰۲ وچ بلجیم لومبادے قتل دی کاگو دے عوام کنیں معافی منگی) فلم دی کہانی لومبادی زندگی دے تقریباً آخری چھ چھی مہینے مشتمل ہے۔ جڈھاں او باقاعدہ آزادی دی کوشش شروع کریندے اتے ول قتل تھی ویندے۔ فلم دے کچھ کردار ایں طور تے بن۔

پیٹرس لومبادا Castresiq E Ionancy

جوزف موبوتو Alex Descas

جوزف کامادو یو Maka Kotto

شوہے Pascal N' Zongi

پولائن مومبا (لومبادی زوال) Marim Kalia

ایہہ فلم مختلف تقریبات وچ وی ریلیز تھئی۔ ایہہ افریقی ممالک دے علاوہ بلجیم، فرانس، سوئزرلینڈ، کینیڈا اتے امریکہ وچ بے شمار لوکیں ڈنھی امریکہ وچ پہلی وار ایں فلم جھ لکھ چوراسی ہزار ڈالر کمائے۔ ایہہ فلم HBO تے وی ریلیز کیتی گئی۔

اس فلم تے کچھ تنازعات وی کھڑے تھئے۔ جڈاں جو فرانک کارلوسی Frank Carlucci (جیہڑا اول وقت امریکی سفارت خانے وچ نائب سیکرٹری ہا۔ اتے امریکہ دی طرفوں لومبادی دے قتل وی سازش وچ حصہ گھدا HBO توں او منظر ہٹاؤن دا آکھیا۔ جیندے وچ کاگو تے بلجیم دا ہک گروپ لومبادیوں منظر توں ہٹاؤن دا پروگرام بنید نے۔ کارلوسی دے مطابق امریکہ ایس سازش وچ براہ راست ملوث نہ ہا۔ ہک روایت دے مطابق HBO توں او منظر ہٹاؤن تا گیا۔ لیکن لفظ کارلوسی گفتگو وچ شامل رہیا۔ البتہ ایہ منظر ڈیز وچ باقی رہیا۔ فلم دے Establishing Shots دے بعد آغاز ہک میٹنگ کنوں تھیندے۔ جیندے وچ شو بے تے اوں دا ہک مستقل دوست لومبادیوں جھگڑ دے نظردن۔ اتے ایہ جھیرا متحدہ کاگو تے کٹا لگا صوبے دے بارے ہوندا۔ جیندا انا سندھ شو بے ہوندا۔ ایندے بعد فلم دے الگے Shots کاگو دی آزادی دی جدوجہد، حکومت دی مصروفیت قتل دے علاوہ لومبادیوں نئی زندگی تے وی مبنی ہن۔

آزادی دے تقریباً پنج چھی ڈ۔ خد بعد جیو ہیلے مقامی پولیس دے کچھ بندے اوندے دفتر وڑ اندن۔ اتے لومبادیوں اگوں اپنے مطالبے پیش کریندن تاں لومبادیوں انھیں کول پورا کرن دا وعدہ کریندے۔ مگر سپاہی فوری طور تے عمل کرن دا مطالبہ کریندن تاں لومبادیوں سکون انداز وچ انھیں دے سامنے کھڑا ویندے۔ اتے خود کول گولی مارن دا آہدے۔ ایہہ Long Shot لومبادیوں خود اعتمادی اتے عوام نال محبت تے انھیں تے اعتماد کول ظاہر کریندے۔

بعض Shots وچ اسا کول حالی تائیں جبر دے خلاف لومبادیوں کاوڑا اظہار اوندے چہرے توں ظاہر تھیندا نظر دے۔ جیہڑا اسی سالہ بلجیم دے جبر دی وجہ کنوں ہے۔ آزادی دی تقریب وچ اوندے چہرے حالی تائیں ایہہ تاثر موجود ہا۔ اتے لومبادیوں اپنی تقریر وچ بلجیم دے جبر ظلم اتے تشدد دا اظہار کاوڑا نال کریندے۔ جیندے اتے بلجیم اتے اوندے کچھ ساتھی جبران نظردن۔ ایہہ Long Shot وڈی مہارت نال لومبادیوں لوکیں دے جذبات اتے انھیں دے چہرے دے تاثرات کول ظاہر کریندے۔

ہوں سارے Long Shots اتے Extreme long shots دی انتخابی مبنی۔ جیہڑے منظر دی پوری مجموعی صورت کول ظاہر کریندن۔ انھیں Shorts وچ لومبادیوں ساتھیں اتے خاندان سمیت مصر و رواں لگی ڈکھائی گئی ہے۔ یاوہ اول قافلے دی شکل وچ جیہڑے ۷۱ جوری دی رات کول لومبادیوں قتل کرن واسطے گھدی ویندا ہوندا۔ high angle shots اتے Low angle shots وچ بعض جائیں تے فلم دا تاثر بہتر کریندن۔ اینویں Close up اتے Extreme close up وی ہن۔ بعض Two Shots ہوں اہم ہن۔ ہک جاہ اتے one shot لومبادیوں حکومت بارے پریشانی کول ظاہر کریندے، پر بعض two shots ہوں اہم ہن، ہک تاں امریکی نائب سیکرٹری اتے کرنل موبوتو دا جیو ہیلے کارلوسی اوکوں حکومت دا تختہ الٹن دا آہدے، تے امریکی صدر آئزن ہاور دی ضمانت ڈیندے۔ اینویں کئی Two

Shots لومبا دی زال تے اوندے وی ہن۔ اتے لومبا تے اوندے ہال دے وی۔ اینویں آخری رات دا منظر جیو ہلے اندھارے اندر ترے ساتھیوں کوں وارے وارے تے فائرنگ سکواڈ دے آگیاں آندا دکھایا گئے۔ او High key shot چہرے کوں روشن کریندے۔ کیمرا مین دی مہارت اساکوں کئی مقام تے pan وچ نظر آندی ہے۔

اداکاریں دی کارکردگی وی چنگی ہے۔ Castereq lonancy جنیں لومبا دا کردار ادا کیتے۔ موقع محل دے مطابق آپنی حرکات دا چنگا مظاہرہ کریندے۔ خصوصی طور تے موت دے ویلیھے۔ ایندے علاوہ اوہر موقع محل دے مطابق آپنے چہرے دے بھر پور تاثرات دکھیندے۔ اینویں موت کنوں پہلے بے پناہ تشدد وچ Two shots دا تاثر بالکل حقیقی لگدے۔

Maka Koto Alex Descas تے Marim Kala دی آپنے آپنے کردار بالکل حقیقی انداز وچ نبھائیں۔ اتے کتھائیں وی انھیں وچ مصنوعی پن نظر نہیں آندا۔ جیڑے فلم آپنے خاتمے تے آندی اے۔ اتے لومبا تے اوندیاں سنگتیں کوں ہلاک کرن واسطے گھدی دیندے ہوندن۔ تاں سکرین تے ہولے ہولے ایہہ تحریر ابھر دی ہے۔ تقریباً ایہا اتے کجھ تبدیل شدہ تحریر Establishing shots وچ وی اساکوں نظر آندی ہے۔

You Never knew about that night in Katanga. You won't tell children every thing they would'nt understand. Just tell them I came 50 years too soon. Tell them that what we wanted for our country, other did not want. Dearest Pauline! when you read these words I will no longer be alive. Tell my children that Congo has a bright future, that is up to them to restore our dignity. Tell them that through out our sturuggle I never for a moment doubted that the cause for which we gave our lives would triumph. Go get him

لومبا پوسٹ کالونیئل عہد دا نمائندہ ہا۔ پوسٹ کالونیئل عہد دیاں ڈیو خصوصیات ہن۔ ہک تاں نو آبادیاتی حکمرانیوں کوں ازادی حاصل کرن اتے انھیں دی تہذیب تے ثقافت کوں جان چھڑاؤن۔ اتے ڈیو جھا آپنے ماضی دی تاریخ تہذیب اتے ثقافت دا احیا۔

یورپس لومبا آپنے ملک کوں بلجیم دے بادشاہ دی ذاتی جائیداد (کانگو بلجیم دے بادشاہ، لیو پولڈ



II وی ذاتی جانیدار (کنوں کانگو دے عوام کوں آزادی وی ڈیوانی۔ اتے آپنی مقامی تہذیب تے ثقافت دے احیاء وی کوشش وی کیتی۔ اوندیں تقریریں وچ اساکوں بامنتو ضرب الامثال دا اظہار ملدے۔ اتے او آپنے ہک خطاب وچ آپنے دوستیں کنوں بانٹو دانش دی اپیل کریندے۔

ایہہ فلم جتھاں لومباردی سیاسی جدوجہد اتے اوندے افسوس ناک انجام کوں نشا بر کریندی ہے۔ جتھاں سامراجی ملکیتی دے جبر تے استحصال دے علاوہ انھیں دے سمجھنیں دین سازشیں کوں وی بے نقاب کریندی ہے۔ میڈا خیال ہے جو ایہ فلم دیانتداری نال بٹائی گئی ہے۔